



## Aningaasaqarnermut Naalakkersuisoq

**Ulloq:** 24. oktober 2012

**J.nr.:** 01.31.06/12-00598

### **Aningaasaqarnermut Akileraartarnernullu Ataatsimiititaliap ataasinngornermi ulloq 22. oktober 2012-imi aalajangiineranik Naalakkersuisunut ilisimatitsineq (suliaq nr. 01.31.06/12-00598)**

**Kontomi pingaarnermi 84.40.15 Ilinniartut inaannik sanaartorneq, suliassamut nutaamut nr. 060.52.077 Kujallerpaani ilinniartunut inissialiorneq, Nuuk imm. 1, aningaasaliissutit atugassangortinneqarnissaat**

Naalakkersuisut **inassutigaa**:

- kontomi pingaarnermi 84.40.15-imi, Ilinniartut inaannik sanaartornermut tunngasumi, suliassamut nr. 060.52.077-imut, Nuummi Kujallerpaani ilinniartunut inissialiornerup imm. 1-ianut tunngasumut, aningaasaliissutit 0,160 mio. koruuninik amerlineqassasut, aamma
- suliassamut nr. 120.52.049-mut, Ilulissani ilinniartunut inissialiorneq 2009-2011-imut tunngasumut, aningaasaliissutit 0,160 mio. koruuninik ikilineqassasut.

### **Aningaasaqarnermut Ataatsimiititaliap oqaaseqaatai**

Sermersuup Kommunianik suleqateqarluni Kujallerpaami ilinniartut inaannik nutaanik sanaartornissamut pilersaarusiornissamut tunngavissamik suliaqarnissamut konto pingaarnermit 84.40.15-imit, Ilinniartut inaannik sanaartornermut tunngasumit, suliassamut nr. 120.52.049-mut, Ilulissani ilinniartunut inissialiorneq 2009-2011-imut tunngasumut, aningaasanik nuussinissaq qinnuteqarnerminni Naalakkersuisut kissaatigaat. Kujallerpaani ilinniartut inaat pitsaanngitsupilussuupput oqoqarlutillu. Taamaattumillu sumiiffiup ineriartortinneratigut ilinniartullu inaannik 300 tikillugit amerlassusilinnik sanaartornikkut ilinniartut inaasa taarsernissaat Naalakkersuisunit kissaatigineqarpoq.

Ilinniartut inaasa amerlineqarnissaat aammalu ilinniartut inaasa najugarineqarsinnaanngitsut taarserneqarnissaat tunngaviusumik isigalugu ataatsimiititaliamit tapersersornartinneqarpoq.

Kiisalu Kujallerpaani ilinniartut inaannik sanaartornissamik pilersaarutit siuartinneqarnissaat Naalakkersuisunit kissaatigineqarmat ataatsimiititaliamit iluarisimaarneqarpoq, taamaaliornikkut pilersaarusiornissamut tunngavik 2013-imi pinnani 2012-imi aallartinneqarsinnaaqullugu. Sanaartornissamik pilersaarutip sukumiisumik piareersarneqarnissaa ataatsimiititaliamit kaammattuutigineqarpoq, taamaaliornikkut naatsorsuutigingisanik aningaasartuuteqarnissaa kinguartoornissarlu sapinngisamik pingitsoorneqarsinnaaqullugit.

Sanaartugassatut suliassat suliassanut aningaasaliisoqartarnera malillugu immikkoortukkaarlugit neqerooruteqarfigitinneqassasut Naalakkersuisut isummernissaannut tunngavissiami aammalu missingersuutitut ilanngussami allassimavoq. Tunngaviumik isigalugu aningaasanut inatsisip atuuffiani kingunerisassat ataatsimiititaliamit taamaallaat isummerfigineqarsinnaammata, tassa sanaartornissamut missingersuummik B-mik suliaqartoqarsimanngippat , aammalu ukiuni tulluuttuni, tassunga ilanngullugu 2013-imi, kinguneqaataajunnartut aningaasanut inatsimmi attuumasumi ilanngunneqassammata tassunga atatillugu ataatsimititaliamit Naalakkersuisunut eqqaasitsissutigineqassaaq.

Kiisalu ataatsimiititaliaq apeqqutissaqarpoq, taakkulu akineqarnissaat kissaatigineqarpoq:

1. Kujallerpaani ilinniartut inaannik sanaartornissamut atatillugu pilersaarusiornissamut tunngavissaq qanoq piffissalersugaava? Kiisalu pilersaarusiornermut tunngavik suliareneqareerpat nassiunneqarnissaa ataatsimiititaliamit kissaatigineqarpoq.
2. Suliassaq nr. 120.52.049, Ilulissani ilinniartunut inissialiornermut tunngasoq, naammassineqarsimasoq aningaasallu sinneqartut missingersuutitut ilanngussami oqaatigineqarpoq. Qassit sinnerunnersut paasissutissiissutigineqassasoq kissaatigineqarpoq.
3. Apeqqut 2-mut akissut tunngavigalugu ilassutitut aningaasaliissuteqarnissamik, suliassap inaarneqarneranik aammalu aningaasat sinnerussinnaasut konto pingaarnermut 80.00.10-imut, Sanaartugassanut lluarsagassanullu Aningaasaateqarfimmit utertitanut tunngasumut, utertinneqarnerannik kinguneqartumik, qinnuteqaateqartoqarnissaa ataatsimiititaliamit naatsorsuutigineqarsinnaava?

### **Aningaasaqarnermut Ataatsimiititaliap aalajangiinera**

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Naalakkersuisut apeqqutitut siuliani allassimasunut akissutaat kalaallisut danskisullu ullumimit ullut 21-it qaangiutsinnagit nassiuteqquneqarpoq assilineralu uunga qarasaasiakkut nassiunneqarluni: [julie@inatsisartut.gl](mailto:julie@inatsisartut.gl).

### **Ataatsimiititaliaq sinnerlugu**

Andreas Uldum  
Ataatsimiititaliap siulittaasua